

ՍԱՀՄԱՆԱՅԻՆ ԳՕՏՈՒ ՏԱԳՆԱԴՆԵՐԸ

Շարունակում է աւագակային յարձակումների ու սադրանքների օջախ մտալ Հայաստանի սահմանամերձ գօտին: Այս տարածքներում ազերիների ու խորհրդային զօրքերի պահուածքը շատ յաճախ նոյնանում է Արցախում կիրառած գործողութիւնների լկտի բնոյթի հետ: Չդադարող յարձակումներն ու աւարառութիւնը ոչ միայն մըշտական նեարդային մթնոլորտ են ստեղծում մարդկանց մօտ, այլեւ խափանում են գիտատնտեսական աշխատանքների ընթացքը: Սադրանքների թիրախում են յատկապէս Իջեանի, Գորիսի, Կապանի, Սիսիանի շրջանները:

Տեղի է ունենում ռազմական տեխնիկայի եւ զինուորական անձնակազմի տեղաշարժեր:

Վերջին շրջանում հայկական կողմը ուժեղացրել է սահմանի պաշտպանութիւնը, ինչի շնորհիւ հնարատր է դարձել դիմագրաւել եւ հակահարուած տալ ազերիական խժոժութիւններին, նուազեցնելով հնարատր կորուստների չափը: